



CHIESA EVANGELICA RIFORMATA  
GRIGIONESE  
BASEL GIA EVANGELICA REFURMADA  
DAL GRISCHUN  
EVANGELISCH-REFORMIERTE  
LANDESKIRCHE GRAUBÜNDEN  
LOËSTRASSE 60, 7000 CHUR  
TEL. 081 - 257 11 00, FAX 081 - 257 11 01  
E-MAIL [landeskirche@gr-ref.ch](mailto:landeskirche@gr-ref.ch)  
HOMEPAGE [www.graubuenden-reformiert.ch](http://www.graubuenden-reformiert.ch)

## **Publicaziun nr. 672**

### **Primavaira 2017**

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

# Cuntegn

|  |           |
|--|-----------|
| <b>I. Consultaziun</b>                                   | <b>4</b>  |
| 1. Tractandas  | 4         |
| <b>II. Comunicaziuns dal Cussegl da baselgia</b>         | <b>4</b>  |
| 2. Barat da datas tranter vischnanca e plaiv             | 4         |
| 3. Giubileum da la refurma                               | 6         |
| 4. Cumissiun EMC   | 7         |
| 5. Urden da finanzas                                     | 7         |
| 6. Revisiun totala da la constituziun da la baselgia     | 7         |
| <b>III. Rapports colloquials</b>                         | <b>9</b>  |
| 7. <i>Furmar</i> la raspada                              | 9         |
| 8. Provisiuns  | 9         |
| 9. Renovaziun da permissiuns per predicatur(a)s laic(a)s | 9         |
| 10. Rapports dals/da las predicatur(a)s laic(a)s         | 10        |
| 11. Visitaziuns d'archivs                                | 11        |
| 12. Lavur en la diaspora                                 | 11        |
| 13. Organisaziun da l'instrucziun da religiun 2017/2018  | 11        |
| 14. Moziuns, intimaziuns e propostas                     | 13        |
| <b>IV. Diversas infurmaziuns</b>                         | <b>14</b> |
| 15. Resumaziun dals resultats dals colloquis d'atun      | 14        |
| 16. Occurrenzas colloquialas                             | 14        |

|   |    |
|---|----|
| 17. Giubileums                                | 16 |
| 18. Chalender da las collectas 2017           | 17 |
| 19. Proceder tar pravendas vacantas           | 17 |
| 20. Sinoda 2017 a Glion                       | 17 |
| 21. Sessiuns dal Cussegl grond evangelic 2017 | 18 |
| 22. Sesidas dal Cussegl da baselgia 2017      | 18 |
| 23. Termins dals colloquis da primavaira 2017 | 19 |
| 24. Termins dals colloquis d'atun 2017        | 19 |
| 25. Spediziun dals protocols colloquials      | 20 |
| Agiunta (adressas)                            | 21 |

# **I. Consultaziun**

## **1. Tractandas**

I na dat naginas tractandas.

# **II. Communicaziuns dal Cussegl da baselgia**

## **2. Barat da datas tranter vischnanca e plaiv**

Perquai che singulas plaivs han g`i difficultads da survegnir da la vischnanca las datas da lur commembers, ha il Cussegl da baselgia prendì contact cun ils uffizis chantunals responsabels. Ils resultats pon ins resumar sco segua:

L'appartegnientscha ad ina confessiun resp. la commembranza en ina baselgia chantunala e sias plaivs tutga tar las datas persunalas ch'èn da proteger en maniera speziala. I dovra ina basa legala speziala per las elavurar e dar vinavant; quella è dada per l'elavuraziun en il dretg chantunal e federal (legislaziun davart registers d'abitants). Ins dastga dar vinavant las datas (p.ex. a la baselgia chantunala e sias plaivs), sche quellas èn indispensablas per ademplir in' incumbensa legala (art. 19 al. 1 lit. a, lescha davart la protecziun da datas). Per ademplir lur incumbensas èn las baselgias chantunalas e lur plaivs dependentas da vegnir orientadas davart mutaziuns tar lur commembers. L'appartegnientscha è dependenta dal domicil. Be las controllas

d'abitants da las vischnancas èn ablas d'infurmar davart annunzia e partenza dals abitants. La lescha chantunala davart ils registers d'abitants prevesa en pli da dar vinavant datas, sch'i po vegnir rendì valaivel in interess. Tenor il dretg federal e chantunal èn las controllas d'abitants legitimadas (ed obligadas), da communitgar mutaziuns davart lur commembers a las baselgias chantunalas e las plaivs. Ina necessitad resp. in interess datti surtut davart: num e prenum, sex, adressa, datas d'arriv e da partenza, data da naschientscha, data da mort, stadi civil; tar uffants sut 16 onns er num, prenum ed adressa da la persuna cun dretg da tgira.

Las controllas d'abitants èn tras lescha obligadas da controlar l'appartegnientscha tar ina communitad religiosa da dretg public. En connex cun l'arriv da personas che na fan naginas indicaziuns davart lur appartegnientscha ad ina religiun resp. confessiun po quai vegnir a scleriments tras la controlla d'abitants. Tras il barat electronic da las datas vegn la controlla d'abitants infurmada, sch'i dat discrepanzas tranter las datas ch'ina persuna fa tar l'annunzia e las datas arcunadas dal lieu da partenza. Sin basa da las datas confurmas è en in tal cas la controlla d'abitants obligada da far scleriments. Stritgar resp. betg inditgar l'appartegnientscha ad ina religiun resp. confessiun po la controlla d'abitants be, sche la baselgia chantunala resp. sia plaiv conferma la sortida da la persuna. Ina sortida "fraidà" n'è uschia vairamain betg pli pussibla. Nagin dretg da survegnir datas n'han personas che tenor register d'abitants resp. avis da la controlla d'abitants n'èn betg commembers da la baselgia chantunala.

Tar l'obligaziun da pajar taglias a las baselgias vegnan las indicaziuns en la decleraziun da taglia automaticamain armonisadas cun quellas dal register d'abitants da la vischnanca.

Tar ina eventuala discrepanza sclerescha l'administraziun da taglia la chaussa. Là vaglia quai ch'è gist vegnì ditg.

Sin basa da questas indicaziuns ha il Cussegl da baselgia la speranza, che las plaivs survegnian las indicaziuns necessarias da las controllas d'abitants communalas. Sch'i avess tut-tina da dar problems, gida il Cussegl da baselgia gugent a tschertgar soluziuns. La conuschientscha concreta d'eventuals problems gida al Cussegl da baselgia da prender si contact cun ils uffizis chantunalas responsabels.

### **3. Giubileum da la refurma**

La grupp da lavur per il giubileum da la refurma ha plaschair da las occurrenz annunziadas per il giubileum da la refurma ed engrazia per l'engaschament en tut las regions.

Cun duas tematicas sa volva ella als colloquis:

#### *1. Comunicaziun*

Ina survista da tut las occurrenz chattan ins sin la website da la baselgia chantunala (adresa en l'aggiunta). Quella vegn actualisada cuntinuadamain. En pli datti per 2017 programs semestrils stampads.

P.pl. inoltrar termins da las plaivs sur las presidentas ed ils presidents dals colloquis. Termin d'annunzia per il segund program semestril (fanadur – december 2017) è ils 1. da matg 2017.

#### *2. Dumengia da la refurma 2017*

Ils 5 da november 2017 duain vegnir celebrads en tut la Svizra cults divins regionalas cun ina liturgia speziala. Quella

vegn translada en tut las linguas naziunalas e tenor basegn en differents idioms.

La grupp da lavur supplitgescha, sco gia annunzià en la publicaziun da l'atun 2016, da communitgar ils cults divins regiunals planisads tras ils protocols colloquials.

#### **4. Cumissiun EMC**

Perquai che rev. dr. Ruth Schäfer, Scharans, ha bandunà il chantun, ha il Cussegl da baselgia prendì per mauns in' eleziun substitutiva per la cumissiun d'ecumena, missiun e col-lavuraziun al svilup. En occasiun da sia sesida dals 15 da december 2016 ha el elegì or da las propostas dals colloquis Jakob Lerch, Pany.

#### **5. Urden da finanzas**

Il Cussegl grond evangelic ha en sia ultima sessiun acceptà l'urden da finanzas surlavurà. Il nov urden da finanzas entra en vigur ils 1. da schaner 2017. Per las plaivs vala in temp transitoric enfin ils 31 da december 2021.

Il nov urden da finanzas chattan ins sin la website da la baselgia chantunala. Ulteriuras infurmaziuns seguan il cumenzament 2017.

#### **6. Revisiun totala da la constituziun da la baselgia**

Sin basa da las reacziuns or dals colloquis ha il Cussegl da baselgia adattà il sboz per ina nova constituziun da la baselgia ed al ha deliberà a maun da la consultaziun en la sinoda.

La sinoda extraordinaria ha lieu la fin da schaner 2017. Sin la basa da la reacziun da la sinoda vegn il Cussegl da baselgia a deliberar sia missiva a maun dal Cussegl grond evangelic probablmain il favrer 2017. Il Cussegl grond evangelic aveva gia il november 2016 elegì ina cumissiun predeliberanta da 13 persunas, che po sunter directamain cumenzar cun sia lavur. Cur che la nova constituziun da la baselgia vegn tractada dal Cussegl grond evangelic (zercladur u november 2017) dependa da la lavur da la cumissiun predeliberanta. Sche la nova constituziun vegn gia il zercladur deliberada a maun da la votaziun dal pievel, lura po quella vegnir exequida gia l'atun 2017. Uschiglio sa sposta il termin correspudentamain.



### **III. Rapports colloquials**

#### **7. *Furmar* la raspada**

Questa tractanda serva al barat d'ideas davart projects da *Furmar* la raspada planisads u gia realisads en las corporaziuns dal colloqui, per far enconuschent quels sur las corporaziuns ora.

#### **8. Provisiuns**

Corporaziuns che han prolungà in engaschament provisoric u che han stgaffi in tal, preschantan al colloqui in rapport en scrit davart questa provisiun. Il rapport vegn scrit dal provisor resp. da la provitura en il stil d'in rapport annual e va ensemen cun il protocol colloquial al Cussegl da baselgia (guarda constituziun da la baselgia 100 art. 21, cifra 6).

#### **9. Renovaziun da permissiuns per predicatur(a)s laic(a)s**

En il „Reglament davart la permissiun al servetsch pastoral en il Grischun” (910) vegn reglà en art. 13 il surpigliar da tscherts servetschs uffizials tras laics resp. laicas. Sco cumplettaziun da l'art. 13 ha il Cussegl da baselgia decretà l'urden 910A.

Il Cussegl da baselgia dat la permissiun a predicatur laics, resp. predicaturas laicas, sch'ina plaiv propona in/-a da ses commembers e sch'il colloqui decida tras scrutini da surdar la proposta al Cussegl da baselgia. Avant la votaziun han ils

candidats resp. las candidatas da sa preschentar al colloqui cun in curs da la vita. La nominaziun tras il Cussegl da baselgia vala per quatter onns.

Il Cussegl da baselgia sto consultar il colloqui avant che renovar la permissiun. Perquai dovra il Cussegl da baselgia en il protocol la posiziun dals colloquis pertutgants, per pudair renovar las suandantas permissiuns per predicaturs laics. La renovaziun succeda en la tschentada da fanadur dal Cussegl da baselgia.

Coll. VII: Franco Liver, Poschiavo

Coll. IX: Hanspeter Sonderegger, Furna

Coll. X: Hanspeter Jost, Wiesen

## **10. Rapports dals/da las predicatur(a)s laic(a)s**

Tenor art. 13 al. 6 dal "Reglament davart la permissiun al servetsch pastoral en il Grischun" (910) dattan ils predicaturs laics resp. las predicaturas laicas in rapport da lavur per 2016/2017 al colloqui correspondent.

Enfin ussa han ins fatg quels rapports als colloquis d'atun. Dapi 2017 èsi d'inoltrar quels rapports als colloquis da primavaira. Perquai ch'ils predicaturs laics avevan gia rapportà als colloquis d'atun, resguarda il nov rapport be la perioda d'atun 2016 enfin primavaira 2017.

Il Cussegl da baselgia giavischa da survegnir ils rapports ensemen cun ils protocols dals colloquis. Sche predicaturs laics resp. predicaturas laicas dattan enavos lur permess, basta l'indicaziun en il protocol.

## **11. Visitaziuns d'archivs**

Tar mintga midada en la pravenda èsi da far ina visitaziun d'archivs extraordinaria da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis dad esser attentas ch'il president da la cumissiun d'archivs, rev. Kurt Bosshard, vegnia infurmà, avant che in u ina reverenda u provisur(a) fa midada (adressa en l'aggiunta). La plaiv paja la visitaziun tenor reglament 821.

## **12. Lavur en la diaspora**

Tenor art. 8 dal „Reglament davart la commemoranza ecclesiastica da concretaivels evangelics en vischnancas politicas senza plaiv evangelica (reglament per las diasporas)” han ils / las reverendas da plaivs cun incumbensas en diasporas da rapportar al colloqui da primavaira sur da lur lavur en la diaspora. Ina copia da mintga rapport va al Cussegl da baselgia per mauns da la suprastanza da l'Uniun protestanta grischuna per agids ecclesiastics.

## **13. Organisaziun da l'instrucziun da religiun 2017/2018**

Il Cussegl da baselgia renda attent ils colloquis, ch'er persunas d'instrucziun da las baselgias pon far part al perfecziunament chantunal da tschintg dis per il rom "etica-religiuns-cuminanza", sch'ellas vegnan delegadas latiers tras il purtader da scola local.

Dapi l'onn 2014 porscha la baselgia chantunala en il rom da l'Uniun OKTAV (Ostschweizer kirchlich-theologischer Ausbildungsverbund) ina furmaziun supplementara per personas d'instrucziun spezialisada en religiun per s'acquistar l'autorisaziun ecclesiastica d'instruir en il stgalim superiur. L'avust 2017 cumenza in nov curs. Quel sa drizza a personas d'instrucziun dal stgalim superiur che na possedan anc betg ina tala autorisaziun ed a personas d'instrucziun dal stgalim primar che vulestan s'acquistar ina tala. Il Cussegl da baselgia metta pais che las personas d'instrucziun da religiun da la baselgia possedan in diplom conform al stgalim. El surlavura il reglament 241 en quest senn.

Ils colloquis surveglian e coordineschan l'instrucziun da religiun en las plaivs.

Per ch'ils colloquis possian ademplir lur incumbensa, èsi d'infurmar els a temp davart eventualas difficultads ch'i dat en las plaivs cun observar las ordinaziuns legalas.

Il Cussegl da baselgia supplitgescha perquai ils colloquis da dumandar ses commembers en occasiun da la sesida da primavaira, sch'i dat en las plaivs difficultads areguard l'instrucziun da religiun dal proxim onn scolastic. Plaivs cun talas difficultads èsi d'infurmar davart l'agid che la baselgia chantunala porscha cun il post spezialisà per l'instrucziun da religiun (adresa en l'agiunta). D'otra vart vegn la manadra dal post spezialisà infurmà da la situaziun tras il protocol. Ella po prender si contact cun ils responsabels da las plaivs, per ch'ils problems possian vegnir schliads sin il cumenzament dal nov onn da scola.

Il Cussegl da baselgia tira endament ch'en tut las scolas èsi d'observar ils reglaments legals per dar l'instrucziun da religiun.

Sche plaivs tschertgan anc catechet(a)s per il nov onn da scola, renda il Cussegl da baselgia attent a la bursa da plazzas d'instrucziun da religiun sin la homepage da la baselgia chantunala (adresa en l'aggiunta).

## 14. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.
- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tschert sectur.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta *moziuns*, vegnan quellas suttamessas als colloquis ed a la sinoda per la consultaziun. Suenter vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta *intimaziuns e propostas*, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

## IV. Diversas infurmaziuns

### 15. Resumaziun dals resultats dals colloquis d'atun

Per infurmar tut ils colloquials vegn preschentà qua ina resumaziun da las discussiuns e da las decisiuns concernent

las tractandas, sco er da las moziuns, propostas ed intimaziuns al Cussegl da baselgia.

En occasiun da las sesidas d'atun dals colloquis n'han ins inoltrà naginas moziuns, intimaziun e propostas al Cussegl da baselgia.

### 16. Occurrenzas colloquialas

#### Colloqui I Sur igl Uaul

- 04.11.2015: conferenza pastorala (cudeschin da bat-taisem, relaziun lingua tudestga e rumantscha, planisaziun da terminis)
- 02.12.2015: dieta publica da l'Uniun evangelica Gruob e conturns (“Vita en l'equiliber – stress na sto betg esser”)

- 26.01.2016: conferenza pastorala (nova concepziun da la Ruinaulta, Pfefferstern, concept Palliative Care)
- 05.05.2016: festa ecclesiastica a Flond
- 30.05.2016: conferenza pastorala
- 29.08.2015: spassegiada pastorala
- 07.09.2016: conferenza pastorala (fanestra da baselgia en la Ruinaulta, cults divins en l'asil da Glion)

### **Colloqui II Schons-Avers-Val Rain-Mesauc**

- primavaira 2016: stan a la MUMA
- conferenzas pastoralas tar tractandas actualas

### **Colloqui III Sut igl Uaul**

- planisaziun da trais occurrenzas 2017 (cumenzaments da la refurma, stgatschada dals reformads dal Tessin, project Bach)

### **Colloqui IV Cuira**

- naginas comunicaziuns

### **Colloqui V Signuradi-Tschintg vitgs**

- 13.01.2016: conferenza pastorala (Palliative Care)
- 25.05.2016: conferenza pastorala (sboz constituziun)
- 27.09.2016: conferenza pastorala (sboz constituziun, projects refurma)
- 30.11.2016: conferenza pastorala (planisaziun collavuraziun 2017)

### **Colloqui VI Scanvetg-Churwalden**

- 14.01.2016: conferenza pastorala (situaziun instrucziun da confirmands)

- 22.02.2016: conferenza pastorala (constituiziun, Palliative Care, remplazzaments, reclama per cults divin sin l'alp)
- 07.04.2016: gruppa da project lavur cun confirmands

### **Colloqui VII Engiadin'Ota-Bregaglia-Poschiavo-Surès**

- 22.04.2016: conferenza pastorala (nov presidi, giubileum da la refurma, remplazzaments en las valladas dal sid)

### **Colloqui VIII Engiadina Bassa-Val Müstair**

- 12.06.2016: sairada d'infurmaziun sboz constituiziun
- conferenzas pastoralas

### **Colloqui IX Partenz**

- 05./06.09.2015: fin d'emna per uffants e famiglias
- 06.02.2016: dieta per consistorials (success e disditga en la plaiv)
- 17.02.2016: conferenza pastorala (visita da la Fundaziun Flury)
- 17.08.2016: conferenza pastorala (sboz constituiziun)

### **Colloqui X Tavau-Alvra**

- 3 conferenzas pastoralas (giubileum refurma)

## **17. Giubileums**

Las suprastanzas dals colloquis ed ils consistoris pon comunitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.



Questas communicaziuns pon vegnir agiuntadas al protocol u er vegnir communitgadas separadamain ed en scrit al viceactuar dal Cussegl da baselgia: Rüdiger Döls (adressa en l'aggiunta). Giubilars e giubilaras survegnan sper la reconu-schientscha da la plaiv u dal colloqui in document dal Cussegl da baselgia. Tgi che ha lavurà dapli che 20 onns per ina plaiv e sa retira ussa, po er vegnir communitgà. Er el/la survegn in document. Igl è indispensabel, che las communicaziuns cuntengnan ils nums entirs e l'adressa precisa. Plinavant sto vegnir notads la funcziun ed ils onns precis dal servetsch.

## **18. Chalender da las collectas 2017**

Il Cussegl grond evangelic ha en sia sessiun dals 9 da november 2016 fixà las collectas per l'onn 2017. Il chalender

da las collectas sco er infurmaziuns detagliadas tar las collectas pon ins clamar da la website da la baselgia chantunala (adressa en l'aggiunta).

## **19. Proceder tar pravendas vacantas**

Sin la homepage da la baselgia chantunala chattan ins in feagl d'infurmaziun davart il proceder recumandà tar la tscherna d'in nov reverenda (adressa en l'aggiunta).

## **20. Sinoda 2017 a Glion**

La sinoda 2017 a Glion cumenza gievgia, ils 22 da zercladur e va enfin glindesdi, ils 26 da zercladur.

Il rapport da 10 onns cun il tema "casualias" preschantan ils reverendas Daniel Bolliger, Landquart, Thomas Müller, Arosa, Gabriele Palm, Churwalden, Gottfried Spieth, Seewis, Rolf Weinrich, Valendas.

La pregia sinodala fa decana Cornelia Camichel Bromeis, Davos Platz.

Pervia da la demissiun da Rüdiger Döls, Malans, èsi a la sinoda d'eleger in(a) nov(a) actuar(a).

## **21. Sessiuns dal Cussegl grond evangelic 2017**

- Mesemna, 07.06.2017 (suentermesdi), sala Cussegl grond
- Mesemna, 08.11.2017 (di entir), sala Cussegl grond

## **22. Sesidas dal Cussegl da baselgia 2017**

Il Cussegl da baselgia fa mintga mais ina sesida. Dumondas al Cussegl da baselgia duain ins communitgar silmain trais emnas avant la sesida respectiva a l'administraziun.

**Termins da las sesidas 2017:** 19 da schaner, 23 da favrer, 16 da mars, 6 d'avrigl, 18 da matg, 8 da zercladur, 6 da fanadur, 24 d'avust, 21 da settember, 26 d'october, 16 da november, 14 da december.

## 23. Termins dals colloquis da primavaira 2017

|               |   |            |
|---------------|---|------------|
| Colloqui I    | Sur igl Uaul                            | 15 da mars |
| Colloqui II   | Schons-Avers-ValRain-Mesauc             | 22 da mars |
| Colloqui III  | Sut igl Uaul                            | 15 da mars |
| Colloqui IV   | Cuira                                   | 14 da mars |
| Colloqui V    | Signuradi-Tschintg vitgs                | 15 da mars |
| Colloqui VI   | Scanvetg-Churwalden                     | 15 da mars |
| Colloqui VII  | Engiadin'Ota-Bregaglia-Poschiavo-Sursès | 29 da mars |
| Colloqui VIII | EngiadinaBassa-Val Müstair              | 29 da mars |
| Colloqui IX   | Partenz                                 | 29 da mars |
| Colloqui X    | Tavau-Alvra                             | 15 da mars |

## 24. Termins dals colloquis d'atun 2017

Nus supplitgain ils actuars e las actuaras da notar en il protocol ils termins dals colloquis d'atun 2017.

## 25. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en matg. Las actas respectivas vegnan tramessas en avrigl.

Nus essan cuntents sche Vus tramettais pli svelt pussibel ils protocols en furma electronica (sche pussibel sco datoteca word) al viceactuar dal Cussegl da baselgia, Rüdiger Döls (adressa en l'aggiunta).

Ils protocols sin palpieri incl. aggiuntas èsi da suttascriver e da trametter enfin ils 10 d'avrigl 2017 er al viceactuar dal Cussegl da baselgia.

**Preavis:** Ils protocols dals colloquis d'atun 2017 èsi d'inoltrar enfin ils 30 da settember 2017.

Cuira, en december 2016

Cussegl da baselgia chantunal



Andreas Thöny  
president



Kurt Bosshard  
actuar

## **Agiunta (adressas)**

### **actuar dal Cussegl da baselgia**

Pfr. Kurt Bosshard

Loëstrasse 60

7000 Chur

081 257 11 00

kirchenratsaktuar@gr-ref.ch

### **viceactuar dal Cussegl da baselgia**

Pfr. Rüdiger Döls

Loëstrasse 60

7000 Chur

081 257 11 00

ruediger.doels@gr-ref.ch

### **post d'instrucziun da religiun**

Pfrn. Ursula Schubert

Loëstrasse 60

7000 Chur

081 252 62 39

ursula.schubert@gr-ref.ch

**homepage da la baselgia chantunala**

[www.gr-ref.ch](http://www.gr-ref.ch)

**infurmaziuns collectas**

[www.gr-ref.ch/kollekten](http://www.gr-ref.ch/kollekten)

**pravendas vacantas**

[www.gr-ref.ch/pfarrvakanz](http://www.gr-ref.ch/pfarrvakanz)

**giubileum da la refurma**

[www.gr-ref.ch/reformation](http://www.gr-ref.ch/reformation)

**bursa da piazza instrucziun da religiun**

[www.gr-ref.ch/stellenbörse](http://www.gr-ref.ch/stellenbörse)